

A UMURIMO W'UMUGABURA

❖ Abagabura bashoboye

- Hari ibintu bidahinduka cyane uko igihe kigenda gihita. Inzandiko zishyigikira kanaka na n'ubu ziracyafungura imiryango nk'uko byari no mu kinyejana cya mbere. Ese Pawulo yari akeneye urwandiko rwo kumushyigikira kugira ngo yemerwe n'itorero ry'i Korinto? (2 Abakorinto 3:1)
- Yari afite urwandiko ruhiga izindi zose zashyigikira umuntu: Abakorinto ubwabo (2 Abakorinto 3:2). Imitima yabo yari yarahinduwe n'ubuntu bw'Imana, binyuze mu kubwiriza kw'iyi ntumwa n'abo bakoranaga (2 Abakorinto 3:3).
- Pawulo n'abamwunganiraga bari "bashoboye, nk'ababwiriza b'isezerano rishya" (2 Abakorinto 3:6). Isezerano ry'ubwiza ryanditswe n'Umwuka ku mutima kubw'ubugingo buhoraho.
- Ariko bamwe bakurikiye irindi sezerano, ari ryo ryo gukizwa n'imirimo y'amategeko yanditswe ku ibuye, byababujije kubona ubwiza bw'ubuntu (2 Abakorinto 3:7-9).

❖ Ingorane zo mu murimo

- Pawulo yasobanukiwe ndetse yihanganira ingorane zo mu murimo. Ariko yari azi ko byari ngombwa, maze abyihanganira kubera urukundo yakundaga abantu yari yaragejeje ku mahirwe yo gusingira agakiza (2 Abakorinto 4:15). Ikindi kandi, ntiyashidikanyaga gufashwa n'Imana (Abakorinto 4:7-9): turasakirana n'amakuba, turashobewe, turarenganywa, turakubitwa hasi; ariko ntidukuka imitima, ntitwihebye, ntiduhānwa, ntidutsindwa rwose.
- Ubutumwa bwiza bwamamajwe binyuze mu bantu b'intege nke kugira ngo icyubahiro kube icy'Imana yonyine.
- Imibabaro ni "ingorane z'igihwayihwayi, kw'akanya gato" ugereranije n'"ubwiza buhebuje kandi buhoraho" tuzagira ku muni wo kuzuka (2 Abakorinto 4:14-18).

B INSHINGANO Z'ABAGIZE ITORERO

❖ Intumwa z'ubwiyunge

- Imbaraga igomba kugenga ubuzima bw'itorero (n'ubwa buri mwese mu barigize) ni iyi: "Kuko urukundo rwa Kristo ruraduhata" (2 Abakorinto 5:14). Uru rukundo rurangwa n'iki, kandi ni iki duhatirwa?
 - (1) Kristo yatanze ubugingo Bwe kubera urukundo. Ibi biduhatira kubaho ku Bwe (2 Abakorinto 5:14-15).
 - (2) Kristo yatugize ibiremwa bishya. Ibi biduhatira kureka imibereho yacu ya kera (2 Abakorinto 5:17)
 - (3) Kristo yatwunze n'Imana. Ibi biduhatira kuba intumwa z'ubwiyunge (2 Abakorinto 5:18-20).
- Urukundo rwa Kristo rero rutuyobora ku guhinduka kw'imibereho mu buryo bwimazeyo. Kubaho mu rukundo rwa Kristo bidutera dusangira urwo rukundo n'abandi, tubararikira kwakira ubutumwa bw'ibyiringiro: "Nimwiyunge n'Imana" (2 Abakorinto 5:20).

❖ Guhamagarirwa kwera

- Guhamagarirwa kwera bigira ingaruka ku mibereho ya buri muni ya buri y'abagabura ndetse n'abandi bizera:
 - (1) Kwihanganira ibirushya (2 Abakorinto 6:4-5)
 - (2) Kwera imbuto za Mwuka (2 Abakorinto 6:6)
 - (3) Kuba abanyakuri n'abakiranutsi (2 Abakorinto 6:7)
 - (4) Guhagarara dushikamye mu bihe ibyo ari byo byose (2 Abakorinto 6:8-10)
 - (5) Gufungurira abandi imitima yacu (2 Abakorinto 6:11-13)
 - (6) Kwitandukanya n'imirimo mibi y'abatizera (2 Abakorinto 6:14-15)
- Pawulo yahuye ibice bitari bimwe byo mu Isezerano rya Kera, avuga muri make ku byo guhamagarirwa kwera n'ingaruka zabyo (2 Abakorinto 6:16-18):
 - (1) Guhamagarwa: Kuva mu nzira z'icyaha, kwitandukanya n'abanyabyaha, kudakora ku gihumanye
 - (2) Ingaruka: Nzatura muri mwe, nzaba Imana yanyu, muzaba ubwoko bwanjye, nzābākīra, nzababera So.

C IMBUTO Y'UMWETE UHURIWEHO

❖ Ihumure n'ibyishimo

- Nubwo Pawulo yahuye n'ibibazo, yari yishimye bitavugwa (2 Abakorinto 7:4). Ni iki cyateye ibyo byishimo?
- Pawulo yari yarandikiye Abakorinto urwandiko rubihanangiriza cyane, ibyo bikaba byarabateye agahinda (2 Abakorinto 7:8). Ariko ako gahinda kabagejeje ku kwihana (2 Abakorinto 7:9-10). Ibi byatumye habaho impinduka ikomeye mu mibanire yabo na Pawulo, no hagati yabo (2 Abakorinto 7:11-12).
- Bityo, bose babonye ihumure. Tito, mugenzi wa Pawulo, yarahumuriye (2 Abakorinto 7:7). Pawulo yahumuriye no kuhagera kwa Tito (2 Abakorinto 7:6). Abakorinto bari barahumuriye, ari na byo byahumuriye Pawulo (2 Abakorinto 7:13).
- Ariko Pawulo ntiyihimbaza kubera ibyo. Niba abagabura n'abizera bashobora kwishima no guhumurizwa, ni ukubera ko Imana "ihumuriza abicisha bugufi" (2 Abakorinto 7:6a).